

## PARTE HARTZEKO OINARRIAK ARABAKO DENDEN NORTASUNA – COMERCIO DE ÁLAVA CON IDENTIDAD ZOZKETARAKO

### 1. Zozketaren enpresa arduraduna

Zados Comunicación Global y Organización de Eventos S.L. enpresak (helbidea: Mariturriko bulebarra 42, 01015 Vitoria-Gasteiz, Araba, eta IFK: B01405315) Arabako saltokietako produktuen 10 loteren zozketa antolatu du, Arabako Denden Nortasuna – Comercio de Álava con Identidad ADNren izenean, azkeneko hau zozketa horren sustatzailea izanik.

### 2. Zozketaren saria

Zozketaren 10 irabazleetako bakoitzak Arabako tokiko merkataritzako produktuen lote bat jasoko du.

### 3. Zozketaren hasiera- eta amaiera-datak

Zozketan parte hartzea 2024ko ekainaren 21ean hasiko da, 10:00etan, eta 2024ko ekainaren 25ean amaituko da, 10:00etan.

Zozketa antolatzaileak egingo du 2024ko ekainaren 25ean, eta ADN Instagrameko profilaren istorioetan grabatu eta argitaratuko da (@adn\_landa\_merkataritza). Era berean, irabazleari jakinaraziko zaio, Instagrameko bere kontura mezu zuzena bidalita.

Zozketa online plataforma baten bidez egingo da, irabazlea ausaz eta aleatorioki hautatuz, parte-hartzaileekiko objektibotasuna eta berdintasuna bermatuz.

Irabazleak ADNrekin instagram bidez harremanetan jartzeko eta saria erreklamatzeko epea 2024ko ekainaren 25etik 2024ko ekainaren 26ra da, oinarri hauen 6. atalean aurreikusitakoaren arabera.

### 4. Parte-hartzaileak

Jarduera honetan dohainik eta borondatez parte har dezakete **18 urtetik gorako pertsona fisikoek, Instagramen benetako profila izanik, baldin eta ADNren jarraitzaile badira eta zozketan parte hartzen badute oinarri hauetako 5. atalean aurreikusitako parte-hartze sistemaren arabera.**

Zozketa honetan **ezingo dute parte hartu jardueraren erakunde sustatzaileko langileek, ez eta enpresa antolatzaileko langileek ere.** Halakorik gertatuz gero, erakunde antolatzaileak automatikoki baztertuko ditu partaidetza horiek.

Zozketak diharduen bitartean profila irekita izatea gomendatzen zaio parte-hartzaileari, enpresa antolatzaileak aztertu ahal izan dezan. Erakunde antolatzaileak ez du bere gain hartuko parte-hartzaileek emandako datuen egiazkotasunaren erantzukizuna, ezta parte-hartzaileekin eta/edo irabazlearekin harremanetan jartzeko aukerarik ez izatea ere, emandako datuak zuzenak ez badira edo akatsak badituzte. Sustatzaileak eta antolatzaileak eskubidea izango dute parte-hartzaileak baztertzeko, beren ekintza edo hutsegiteengatik zozketa behar bezala egitea eragozten badute.

Irabazlearekin ezarritako epeetan harremanetan jartzetik ez badago, zozketa berriro egingo da ordezeko bat aukeratzeko, eta aurreko irabazleak saria erreklamatzeko eskubidea galduko du. Bigarren aldiz ezin bada irabazlearekin harremanetan jarri, saria eman gabe geratuko da.

#### 5. Zozketan parte hartzeko sistema

Hauek dira parte hartzeko urratsak:

- Jarraitu ADN Instagrameko profilari: @adn\_landa\_merkataritza
- "Gustatzen zait" ematea zozketaren argitalpenari.
- Aipatu zein den gehien gustatzen zaizun Arabako landa-saltokia.

#### 6. Irabazlearekin harremanetan jartzea

Antolatzailea irabazlearekin harremanetan jarriko da Instagrameko argitalpenean aipamen bat eginez eta ADNko profil ofizialaren bidez mezu pribatu bat bidaliz. Behin jakinarazita, irabazleak 2024ko ekainaren 26ra arteko epea izango du ADNrekin instagram bidez komunikatzeko. Izen-abizenak, e-maila, helbidea eta harremanetarako telefono bat adierazi beharko ditu, antolatzaileek saria emateko harremanetan jar daitezzen.

#### 7. Mugak

- Parte-hartzaileetako batek oinarrietan eskatutako baldintzak betetzen ez dituela frogatzen bada, bere parte-hartzea baliogabetzat joko da eta zozketatik kanpo geratuko da automatikoki, zozketa honen bidez emandako sarien gaineko eskubide oro galduz.
- Zozketan parte hartzeko kontu faltsuak erabiltzen dituzten parte-hartzaileak ere kanpo geratuko dira.
- Emandako saria ezin izango da aldatu edo konpentsatu parte-hartzaileen artean, eta ezin izango da beste edozein produktorekin trukatu, ezta diruarekin ere.

#### 8. Iruzkina edo iritziak argitaratzea

Ez da onartuko iruzkin eta iritzirik, baldin eta horien edukia desagokizat jotzen bada, iraingarriak edo diskriminatzaileak badira, edo hirugarrenen eskubideak urra baditzaizkete. Era berean, ez da onartuko partikular baten aurkako iruzkinik, baldin eta horrek ohorerako, norberaren eta familiaren intimitaterako edota norberaren irudirako eskubideen printzipioak

urratzen baditu. Zozketaren sustatzailea eta antolatzailea ez dira parte-hartzaileen iruzkinak eragindako kalteen erantzule egingo, baldin eta beste batzuen sentsibilitatea mindu balezakete.

Zozketa honetan parte hartzeak eta partehartzaileek egiten dituzten iruzkinak ezin izango dituzte inola ere urratu Instagram Komunitateko arauak, ezta Instagram erabiltzeko baldintzak ere.

#### 9. Erantzukizunetik salbuestea

Antolatzaileak ez du bere gain hartuko hirugarrenei egotz dakizkiekeen galeren, lapurreten edo esleitutako sariari eragin diezaiokkeen beste edozein egoeraren gaineko erantzukizunik; era berean, ez du bere gain hartzen irabazleak zozketa honetan lortzen duen sariaren erabileraren ardura.

#### 10. Datu pertsonalen babesa

Nahiz eta zozketaren mekanikagatik ez den beharrezkoa parte-hartzaileak zuzenean identifikatzeko datu pertsonalik biltzea, oinarri hauek onartzen dituen parte-hartzaile bakoitzak baimena ematen du datu pertsonalak fitxategi batean sartzeko, zozketa kudeatzeko, emaitzak zabaltzeko eta ezagutarazteko, eta saria emateko.

#### 11. Aldaketak

Zozketa honen antolatzaile eta sustatzaileak oinarri hauek aldatzeko edo zabaltzeko eskubidea izango du, zozketan parte hartzen dutenen eskubideak kaltetzen edo murrizten ez dituen neurrian, betiere behar bezala jakinarazten bazaie.

#### 12. Luzapena edo etetea

Zozketa ezin bada egin bertan antzemandako iruzurrengatik, arazo teknikoengatik edo sustatzailearen eta antolatzailearen kontroletik kanpo dagoen eta zozketaren garapen normalari eragiten dion beste edozein arrazoiengatik, sustatzaileak eta antolatzaileak zozketa ezeztatzeko edo eteteko eskubidea izango dute.

Kasu horretan, antolatzaileak Instagrameko profilaren bidez emango die informazioa parte-hartzaileei, eta zozketa egiteko data berria emango die.

#### 13. Oinarriak onartzea

Parte hartze soilak berekin dakar oinarri hauek bere osotasunean onartzea; era berean, Instagram sare sozialaren arauak onartzea ere dakar. Beraz, arau horiek ez onartzeak parte-hartzailea baztertzea ekarriko du eta, horren ondorioz, erakunde antolatzailea libre geratuko da parte-hartzaile horrekin hartutako edozein betebeharrak betetzetik.

Saria onartzerakoan, irabazleak bere gain hartuko ditu egiten dituen gastu guztiak, berariaz jarduera honen barne daudenak izan ezik.

#### 14. Instagramen deslotura

Instagramek ez du inolako loturarik zozketa honen kudeaketa eta sustapenarekin. Instagramek ez du zozketa honek sortutako edukia babesten.

Oinarri horiek onartuta, parte-hartzaileek Instagram libre uzten dute erantzukizun guztietatik eta uko egiten diote Instagramen aurka izan dezaketen edozein erreklamaziori, zozketarekin lotutakoak. Parte-hartzaileek emandako informazio guztia sustatzaileari eta antolatzaileari ematen zaie, eta ez sare sozialari.